

Informacije o Zabrani pristupa

SADRŽAJ

Šta je kućno nasilje?	1
Šta je zabrana pristupa?	1
Kako se prijaviti za zabranu pristupa?	2
Prisustvovanje na sudu	2
Šta se dešava kada stignete na sud?	3
Šta se dešava na sudu?	3
Šta se dešava kada je zabrana pristupa odobrena?	4
Šta se dalje dešava?	5
Šta se dešava ako druga osoba (optuženi) prekrši zabranu?	5
Šta su naredbe Suda za familijarne odnose (Family Court Orders)?	6
Šta se dešava ako se zabrana pristupa mora promjeniti?	6
Gdje treba nazvati za pomoć	7
Demanti	8

Šta je Kućno nasilje

Kućno nasilje se događa u svim dijelovima naše zajednice kao i u svim kulturama. Kućno nasilje je zloupotreba moći između ljudi koji su u bliskim odnosima ili nakon rastave, a koje se ispoljava kroz razne načine ponašanja. To može uključiti fizičko i seksualno nasilje, verbalno nasilje, prijetnje i zastrašivanje, emocionalno i socijalno nasilje, praćenje te lišavanje ekonomskih sredstava. Sva ova ponašanja su neprihvatljiva u našoj zajednici a neka od njih su protivzakonita.

Policija Južne Australije nastoji da zaštiti i obezbijedi što bolju sigurnost žrtvama kućnog nasilja. Naredba o zabrani pristupa može pomoći u zaštiti Vas i Vaše familije. Ova brošura vam objašnjava šta će se dogoditi ako se obratite policiji za dobijanje naredbe o zabrani pristupa. Mi se nadamo da će Vam ona dati odgovor na sva Vaša pitanja i pomoći Vam u donošenju pravilne odluke.

Šta je Zabrana pristupa?

Zabrana pristupa je sudska naredba kojom se zabranjuje određenoj osobi (optuženom), da se ponaša prema Vama (tužitelju), na način koji je za Vas uznemiravajući, prijeteci, zlostavljajući ili nasilnički sud bi mogao toj osobi narediti mnoge stvari, kao što su: da ne dolazi Vašoj kući, da ne dolazi u školu Vaše djece, da Vas ne prati ili ne uhodi, ili da Vam ne šalje poruke. Ta naredba je specijalno uređena za Vas i Vaš slučaj.

Osoba koja nastavi da radi radnje koje su zabranom označene kao nedozvoljene čini prekršaj. To se zove 'prekršaj zabrane'. Vi biste trebali reći policiji ako ta osoba uradi bilo koju od ovih stvari.

Kako se prijaviti za Zabranu pristupa?

Obraćanje policiji je najjednostavniji način za izdavanje zabrane pristupa.

Pripremite se za taj sastanak i ponesite sa sobom dokaze ili informacije za koje smatrate da će Vam pomoći u Vašim tvrdnjama. To mogu biti:

- sve vrste bilješki o tome šta je ta osoba Vama uradila kao i informacije kada i gdje su se te stvari desile
- fotografije ili drugi dokazi o šteti koju je učinjena vama od strane te osobe
- kopije naredbi Suda za familijarne odnose (Family Court Orders), koje se odnose na Vašu djecu.

Vi treba da kažete policiji ukoliko smatrate da ta osoba posjeduje pištolj. To je važno zbog toga ako se naredba o zabrani pristupa donese, sud može takođe narediti da se pištolj oduzme od te osobe (optuženi), za vrijeme trajanja naredbe o zabrani pristupa. Od Vas će biti zatraženo da date pismenu izjavu pod zakletvom. Ta izjava će ukazati na okolnosti te predstavljati osnovu Vašeg zahtjeva za isdavanje naredbe o zabrani pristupa. Vašom zakletvom u pismenoj formi Vi izjavljujete sudu da su svi navodi u Vašoj izjavi tačni. Neistinita izjava data pod zakletvom predstavlja zakonski prekršaj. Nakon toga, Vaša izjava će biti upućena Policijskom odjeljenju za kriminalno pravo (Police Criminal Justice Section), gdje će tužilac policije utvrditi da li postoji valjan osnov za izdavanje sudske naredbe o zabrani pristupa. Ako se utvrdi da postoji osnovan razlog za izdavanje takve naredbe, policija će se prijaviti na sudu u Vaše ime. Vi ćete takođe morati prisustvovati zasjedanju suda a policija će nastupati u Vaše ime.

U gradskim područjima:

- Vama će biti rečeno kada ćete morati ići na Sud za prekršaje (Magistrates Court).

U vangradskim područjima

- Policijsko odjeljenje za kriminalno pravo (The Police Criminal Justice Section), će Vas kontaktirati ukoliko budu smatrali da biste trebali prisustvovati zasjedanju suda.

Prisustvovanje na sudu

Pobrinite se da dođete na sud u tačno određeno vrijeme koje Vam je rečeno od strane policije. Ako kasnite ili ste spriječeni da dođete na sud nazovite policiju ili sud unaprijed i navedite razloge zašto ne možete prisustvovati.

Kada stignete na sud obratite se službeniku na informacijama da biste saznali u koju sobu treba da idete.

Šta se dešava kada stignete na sud?

Ako prisustvujete sudu u gradskom području policijski službenik će se sresti i razgovarati sa Vama. Ako ćete prisustvovati sudu u vangradskom području tužilac policije će Vama prići. Ako već niste pročitali i dali svoju izjavu pod zakletvom, biće organizovano da to uradite u prisustvu ovlaštenog policijskog službenika ili Mirovnog sudije. Imajte na umu, da je davanje pismene izjave pod zakletvom, u kojoj se nalazi pogrešna informacija zakonski prekršaj.

Pošto će se Vaša izjava koristiti na sudu kao dokaz Vi možda nećete trebati davati usmenu (verbalnu), izjavu. Ali, iako Vi ne budete morali davati usmenu izjavu Vi ćete morati biti prisutni na sudu.

Vi ćete biti zamoljeni da sačekate ispred sudnice dok sudija ne bude spreman da sasluša Vašu molbu. Službenik suda će Vas prozvati na vrijeme.

Šta se dešava na sudu?

Osoba protiv koje ste podnijeli zahtjev za izdavanje naredbe o zabrani pristupa neće biti prisutna na sudu. Ako je ta osoba prisutna na sudu iz nekih drugih razloga i ako se Vi osjećate nesigurno recite to policijskom službeniku ili osoblju suda.

Kada sudija bude spreman da sasluša Vašu molbu, Vi ćete biti zamoljeni da uđete u sudnicu i zauzmete mjesto u pozadini.

Kada ime osobe protiv koje ste podnijeli zahtjev za izdavanje naredbe o zabrani pristupa bude prozvano to znači da je sud započeo sa radom na tom slučaju. To predstavlja sudsku formalnost i znači da je sud spreman da razmatra Vašu molbu.

Vi trebate ostati da sjedite. Ne morate ništa preduzimati u ovom momentu osim odgovarati na eventualna pitanja postavljena od strane sudije, osoblja suda ili policijskog službenika.

Ako sudija želi nešto da pojasni on ili ona će od Vas tražiti da zauzmete mjesto određeno za svjedoke, tako da Vam oni mogu postavljati pitanja. Često se događa da Vam on postavljaju pitanja za vrijeme dok budete sjedili u pozadini sudnice, tako da ćete Vi moći odgovarati na pitanja sa tog mjesta. Policijski službenik vam može takođe postavljati pitanja ako im bude trebalo više informacija u vezi nečega. Slušajte pažljivo i odgovarajte na pitanja istinito.

Kada sudija donese odluku, on ili ona će Vam reći da li je zabrana pristupa odobrena.

Slušajte pažljivo šta Vam sudija kaže nakon što je on ili ona pročitao Vašu molbu. Ako propustite nešto, možete o tome upitati policijskog službenika nakon završetka rada suda i on će Vam objasniti šta se desilo i odgovoriti na sva Vaša pitanja.

Šta se dešava kada je Zabrana pristupa odobrena?

Sud će izdati zabranu pristupa isti dan, ali važno je da znate da zabrana **ne stupa na snagu sve dok policija lično ne uruči kopiju zabrane pristupa drugoj osobi (optuženom).**

Ako je moguće, nemojte reći optuženoj osobi da će joj policija uručiti zabranu pristupa, pošto to može otežati policiji postupak oko uručenja.

Policija će vas obavijestiti kada zabrana pristupa bude uručena, ali ako se Vi brinete zbog toga, Vi to možete provjeriti u najbližoj policijskoj stanici.

Putem pošte ili posredstvom policije dobićete **tri kopije** odluke o zabrani pristupa, nakon nekoliko dana od zasjedanja suda. Savjetuje se da jednu kopiju ostavite na sigurno mjesto, drugu kopiju da nosite sa sobom (npr. u torbi ili kolima), a treću kopiju možete dati nekome kome bi to moglo zatrebati (npr. školi koju Vaša djeca pohađaju).

Pročitajte sadržaj zabrane pažljivo, tako da biste bili upoznati šta druga osoba (optuženi), smije ili ne smije da radi. Na taj način ćete najbolje znati ako ta osoba uradi nešto što će prekršiti bilo koju od ovih zabrana. U tom slučaju kontaktirajte policiju.

Zabrana pristupa se obično izdaje na određeni vremenski period, napr. jednu ili dvije godine. U slučaju da vremenski period nije specificiran, to znači da ona ima zakonsku snagu na neodređeno (produženo) vremensko trajanje.

Šta se dalje dešava?

Zabrana pristupa takođe sadrži datum određen za zasjedanje suda ako se osoba protiv koje je izrečena zabrana (optuženi) ne slaže sa njenim navodima.

Policija će u tom slučaju nastojati da postigne dogovor u vezi toga i Vas blagovremeno obavijestiti o eventualnim promjenama koje su nastale. **Vi nemate obavezu prisustvovanja sudu na taj dan.** Ako se osoba i dalje ne bude slagala u vezi zabrane pristupa, taj slučaj će se razmatrati na sudu kasnije.

Policija će Vas obavijestiti o mjestu i datumu održavanja suđenja ako Vi budete morali prisustvovati. **Prisustvovanje zasjedanju suda na ovom nivou zahtjevati će od Vas davanje izjave na mjestu svjedoka.** Druga osoba (optuženi), će se takođe pojaviti na sudu, a ako se Vi zbog toga ne budete osjećali bezbjednim recite o tome policiji, koja će preduzeti odgovarajuće mjere kako biste se vi osjećali zaštićenim.

Važno je da znate da zabrana pristupa ima snagu zakona sve do okončanja sudskog postupka. Sud može donijeti odluku kojom se potvrđuje zabrana pristupa. Ako se to dogodi, zabrana će Vama osiguravati zaštitu cijelo vrijeme za

Šta se dešava ako druga osoba (optuženi) prekrši Zabranu?

Kršenje odredbi zabrane pristupa od strane optuženog predstavlja kriminalni prekršaj. U tom slučaju optuženi može odgovarati za činjenje kriminalnog prekršaja.

Morate biti oprezni da ne uradite ništa što prekršava zabranu pristupa ili omogućuje drugoj osobi da ona to prekrši. Na primjer ako druga osoba Vas ne smije kontaktirati onda Vi ne smijete posjećivati nju ili nazivati je telefonom. Inače, Vi kršite zakon takođe i zbog toga možete biti osuđeni.

Ako se prekršaj zabrane od strane optuženog dogodi u Vašem prisustvu ili ako smatrate da ste u opasnosti nazovite broj 131444 (ili 000 u slučaju hitnosti), tako da policijska patrola može biti poslata da Vam pomogne.

Ako Vi smatrate da je prekršaj zabrane nastao ali se Vi ne nalazite u neposrednoj opasnosti (npr. ako je optuženi posjetio dijete u školi, a to je u suprotnosti sa zabranom pristupa), **prijavite to lokalnoj policijskoj stanici**, tako da bi oni mogli da preispitaju taj slučaj.

Imajte na umu - Vaša zabrana pristupa će biti efektivna samo onda ako Vi nastojite da ona to bude. Trebate prijaviti sve eventualno nastale povrede zabrane pristupa.

Šta su odredbe Suda za familijarne odnose (Family Court Orders)?

Ako su djeca umiješana u slučaj **možda bi bilo potrebno da zatražite pravni savjet** koji bi Vam pomogao da odlučite da li ćete podnijeti molbu sudu za familijarne odnose (Family Court), o izdavanju sudske naredbe o familiji (Family Court Order). Vodite računa da naredbe Suda za familije (family Court Orders), **mogu imati pojačane odredbe i uslove od onih koji su navedeni u zabrani pristupa**. Policija Vama ovo može objasniti.

Šta se dešava ako se Zabrana pristupa mora promijeniti?

Ako se okolnosti promijene i Vi želite da izmijenite neke odredbe u vezi zabrane pristupa, ili želite da je potpuno ukinete, onda kontaktirajte Policijsko istražno odjeljenje za djecu i familije (Child and Family Investigation Unit), ili najbližu lokalnu policijsku stanicu i navedite razloge zbog čega Vi želite da se zabrana pristupa promijeni ili ukine.

Da bi se odredbe zabrane pristupa izmijenile ili ona bila potpuno ukinuta, potrebno je zakazati novo sudsko ročište. Zabrana pristupa ne može biti promijenjena samo na osnovu Vaše lične odluke ili na osnovu sporazuma sa drugim osobom (optuženim).

Oboje, i Vi i druga osoba, će biti obaviještena o mjestu i datumu sudkog ročišta, i **vi ćete morati prisustvovati na sudu**. Često se dešava da i druga osoba mora biti prisutna.

Policija i sudovi mogu procijeniti situaciju i utvrditi da se ona promijenila na bolje, te da se i naredbe moraju izmijeniti. Ali isto tako, policija mora biti uvjeren, da je Vaša lična sigurnost bezbjedna i da na Vas nije vršen pritisak, da se izvrši promjena zabrane pristupa, koji bi mogli da ugroze Vašu bezbjednost i bezbjednost Vaše familije.

U nekim slučajevima policija neće pristati da se pojavi na sudu u Vaše ime, kada je u pitanju razmatranje molbe za promjenu ili opoziv zabrane pristupa, ukoliko oni vjeruju da će taj postupak povećati rizik i da ćete Vi i Vaša familija biti izloženi većem kućnom nasilju.

Gdje treba nazvati za pomoć

Za hitne slučajeve	000		
Za pomoć i prisustvo policije	131 444		
Policijsko istražno odjeljenje za djecu i familije			
Adelaide	8463 7090	A/H	8346 7007
Elizabeth	8207 9353	A/H	8207 9442
Holden Hill	8207 6034	A/H	8207 6000
Port Adelaide	8207 6413	A/H	8207 6444
South Coast	8392 9172	A/H	8392 9000
Sturt	8207 4801	A/H	8207 4700

U vangradskim područjima kontaktirajte Vašu lokalnu policijsku stanicu.

Ako ste žrtva kućnog nasilja iz ne-engleskog govornog područja i ako Vam treba pomoć i podrška oko razumjevanja procesa za dobijanje Zabrane pristupa, molimo Vas da kontaktirate **Servis za podršku i smještaj žena useljenica (Migrant Women's Support and Accommodation Service)**, na broj **83469417**.

Spisak agencija koje Vam mogu dalje pomoći i podržati Vas kao žrtvu kućnog nasilja je dostupan u Vašoj lokalnoj policijskoj stanici.

DEMANTI: Ova publikacija je pripremljena kao inicijativa državne službe policije Južne Australije. Pruža opće Informacije u obliku praktičnog vodiča za pomoć u promidžbi sigurnosti i smanjenja rizika od kriminala.

Premda je preduzeta sva pažnja u pripremi, nikakvo jamstvo ili zastupanje, bilo izraženo ili implicirano, nije učinjeno u vezi tačnosti, kurentnosti, ili kondicije u svrhu sadržanih informacija ili savjeta pruženih u ovoj publikaciji.

Nikakvo jamstvo ili zastupanje, bilo izraženo ili implicirano, nije učinjeno, u vezi posljedica pouzdanja u informacije sadržane ili savjete pružene u ovoj publikaciji. Nikakve obaveze ili odgovornost se ne prihvaćaju za bilo koje greške ili propuste sadržane u ovoj publikaciji ili za ikakve gubitke pretrpljene od bilo koje osobe kao posljedica pouzdanja u informacije sadržane u ovoj publikaciji.

Čitatelji se ohrabruju da zatraže nezavisan pravni savjet i ostale relevantne profesionalne savjete u ralaciji sa ličnim okolnostima.

© 2005 Država Južne Australije

Ova publikacija je autorsko pravo Krune u pravu države Južne Australije. Osim bilo koje upotrebe dozvoljene Zakonom o autorskom pravu 1968 (Cth), nijedan dio ove publikacije ne može biti reproduciran bilo kojim procesom bez specifične pismene dozvole vlasnika autorskog prava. Upiti trebaju biti upućeni na South Australia Police, Box 1539, GPO, ADELAIDE, South Australia 5001.

Daje se priznanje Justice Studies TAFE SA Adelaide South za njihov doprinos u dizajnu i publiciranju ove informativne brošsure.

Proizvedeno zajednički od: the Crime Reduction Section, South Australia Police; i the Victims of Crime Koordinator, Justice Strategy Unit and Policy & Legislation Section, Attorney-General's Department.